

九

聖

鄉
容
署



FUDAN JF210000462282 复旦图书馆

生先炎太章杭餘



MR. CHONG TAI YIN, YU HONG, CHINA.



客帝匡謬

爐書前錄

自古以用異國之材爲客卿而今始有客帝客帝者何也曰如滿洲之主中夏是也夫整軍之將司稅之吏一切假客卿於歐美則以雞林韃靼之賓旅而爲客帝於中國也何損知是而逐滿之論殆可以息矣抑夫客卿者有用之者也客帝者孰爲之主而與之璽紱者乎明堂大微不司其勳岱山梁父不載其德盜沃土於中夏而食其賦稅既無主矣而客於何有日已矣弗復道矣咸池之均弗可以入里耳矣必若言之吾則曰中夏之芟主自漢以來二千餘年而未嘗易其姓也昔者春秋以元統天而以春王爲文王文王孰謂則王愆期以爲仲尼是已歐洲紀年以邪蘇衛賊紀年以釋迦而教皇與達賴刺麻者皆嘗爲其芟主中夏之芟主非仲尼之世胄則誰乎梅福之訟王章也見新室盜漢之朕而塞之也及王章不可訟而上紹殷之議其指歸則以聖庶奪適爲臬是何忘漢之社稷而爲此闕疏之計邪夫固曰素王不絕黑綠之德不弛則中夏之域亙千百世而有芟主若夫攝斧屢掌圖籍者新乎漢乎則猶菌鶴馬蝟之相過乎前而已矣繇福之說苟言大同必有起於側陋握石椎而懷神珠者吾民以爲可恃然後君之斯固攤戴也亦不得世及矣若猶是世及也冠冕未裂水

士未望則中夏之其主其必在乎曲阜之小邑而二千年之以帝王自號者特繼周之桓文日本之霸府也苟如是則主其賞罰而不得尸其名位中夏有主則爲霸府於豐鎬秣陵汭維北平者漢乎滿乎亦猶菌鶴馬蜩之相過乎前而已矣苟攝之者不得其指而自以鎮撫九有若天之有攝提大角斯猶大夫之臚俗其罪不赦此漢唐之所以爲天因非命而客帝之所以愈迫民以攘逐也難者曰今之衍聖公其齋則九命其冊封則必於京室今倒植其分霸其封之者而帝其受之者其左夫曰已矣弗復道矣吾固曰咸池之均弗可以入里耳矣繇露有言天子不臣二代之後而同時稱王者三是以杞宋之在周世其名則公其實則王也書梓材以厥臣達王惟邦有正義曰鄭以王爲二王之後夫以勝國之餘孽不立其圖法不用其官守然猶通三統而王之況朝野皆奉其憲典以綱紀品庶者歟名曰衍聖公其實秦皇也若夫錫命之典自漢之封紹嘉以至於今更十七姓七十有餘主而不能以意廢黜之夫非一代之主所得廢黜者則亦非一代之主所得冊封也雖微冊封於孔氏之位何損其冊封則懿主嬪臣之自爲僭濫亦猶乾隆之世英吉利嘗一通聘而遠書之以爲入貢之藩云爾且昔者成周之末王赧已廢而東周特畿內之侯也其於七王齋位固不相若亦侍祠貢獻惟謹且聽其黜陟焉宋

氏之於金元亦嘗至乎稱臣稱姪矣。然而言神州之王統者終不以彼而奪此。苟以是爲比。則衍聖當帝而人主之當比於桓文霸府也。豈顧問哉。雖然此猶千載之蠱事。臧於石室史官。儒生得守空文以持其義。而世主未嘗既其實也。土箸之后逆取順守。尙已方其盛時。持重萬鈞。環天下而爲臣妾。雖臨辟離固。不欲捐其黃屋。以朝孔氏之嘗耐斯已。秦矣。及夫陵夷積弱。處逃責之臺。被竊鉄之言。大枋既失。執儕於家人。寧奉袁以臣敵國。而猶歸然自謂尊於玄聖之裔。豈不忸哉。乃夫賓旅侵突而爲君者。故邇梁遠以華夏爲異類。蠶刃所抵類。襁厥宗而無所懸痛。楊州之屠嘉定之屠江陰之屠金華之屠昭肉也。如黑鷺竊室也。如羣鹿其佗。培發害臧。掘冢壞陵。而取其金鼎玉杯。鉅尊珠襦之寶。以爲儲臧者。不可以簿籍計也。及統壹天下。六官猶耦防營。猶設明末馬阮築板磯城爲西防左良玉歎曰今西何所防殆防我耳。不加賦以爲美名。而以胡騎之饑饉。剽敝府庫。迨有獄訟。則漢民必不可以得直。迨有劇寇。漢臣賢勞而夷其難。創夷既起。又置其同族於善地。以亂其治。吾義士之謀攘逐者。亦寧有過職乎。逐加於滿人。而地割於白人。以是爲神州大詢。夫故結肝下首而不欲逞。非其喪志。鑑於蜀宋也。蜀相之結荆楊也。非忘報也。彼基曹氏則吳不得怨。故覆於南郡。婁於白帝。再

挫之忿而不敢復焉。宋與女真宗禰之痛也。引蒙古以滅之。終自戕敗廟筭失也。故地處其逼處其隘。九世之仇而不敢復焉。何者。犖牛之鬪。玄熊咆怒以格其間。則二牛皆斃也。且夫今世則又有聖明之客帝。椎匈鬻臂以悔。二百五十年之過矣。彼疏其頑童。昵其地主。以百姓之不得職爲己大恥。將登薦賢輔。變革故法。使率越勁。使民果毅。使吏精廉。彊力以禦白人之侮。大東辛顓之胄。且將倚之以爲安隱。若是又可逐乎。雖然弗逐。則高義殆乎。格配天之志殆乎。息矣。洩勝負於一朝。兩族皆憤而不顧其後者。日莫涂遠之所計。雖非少康猶之伍員也。中夏雖壞敗。寧無其人邪。其攘逐滿洲也。在今日。其不攘逐滿洲也。亦在今日。客帝誠聖明。則必取譖於陸贄。引咎降名。以方伯自處。唐書陸贄傳。德宗議更益大號。贄奏言。若以時屯當有變革。不若引咎降名。以祇天戒。禘郊之祭。雞次之典。天智之玉。東序之寶。一切上之於孔氏。彤弓黃鉞。納陞陞。一切受之於孔氏。退而改革朝官。皆如宗人府承人府。丞丞。祇一漢員。朝官皆滿漢二員。獨宗人府丞祇一漢員。圈地之滿蒙。駐防之八旗。無置馬甲而除其名糧。一切受治於郡縣。自將軍以至佐領。皆選爲散秩。大政既定。奏一尺書。以告成於孔氏。吾讀伊尹書。有九主。有素王。吾讀中候。至於霸免。鄭注。霸免。把天子之半。有受空之帝。鄭注。謂楚義帝。今以素王空帝尸其名位。而霸者主其賞罰。則吾中夏所君事者。固聖胄已。其建霸府於域中。

則師不陵正而旅不逼師臣民之視客帝非其后辟其長官也霍光也金日磾也李晨也渾
瑊也其種系不同而其役使於王室也若一則部曲之翼戴之也漢乎滿乎亦猶蘭鵠馬蜩
之相過乎前而已矣君臣不屬則報志可以息雖弗攘逐無負於高義然則二族皆寧而梅
福之大義且自今始既其實焉以是流衍於百王而爲憲度其有成勞於中夏也亦大矣難
者曰今中國羸病炊之則僞黎五稔必仆雖尊崇孔氏以息內訌其何瘳乎曰尙觀明堂合
宮之法官天下則帝孔氏百世丕天之大律非獨爲滑夏之代而已且夫發憤爲天下雄則
百稔而不仆怠惰苟安則不及五稔而亦仆吾所議者爲發憤之客帝言也非爲怠惰苟安
者言也夫苟怠惰苟安雖采椽茅茨若自處於臣虜可以亡國發憤而爲雄而後以降名尊
主爲可恃也不然則一飯之頃已渙然離湯矣安能五稔

矣和二千七百四十一年章炳麟曰余自戊巳遠難興尊清者游而作客帝飾苟且之心棄
本崇教其違於形勢遠矣且漢帝雖孱弱賴其同胤臣民猶或死之滿洲賤族民輕之梃於
骨髓其外視亡異歐美故聯軍之陷宛平民稱順民朝士以分主五城食其廩祿伏節而死
義者亡一於漢種非人人闖茸備態同異無所擇孰甘其死繇是言之滿洲弗逐欲士之愛

國民之敵。錄不可得也。浸微浸削。亦終爲歐美之陪隸已矣。今弗能昌言自主。而以責宣號之主。祇面欺。簒之以自刻。錄而刪是篇。

分鎮匡謬

牘書前錄

與不得已。官制不及改。則莫若分鎮。分鎮尙已。昔唐太宗欲世授節度。而馬周李百藥之倫。則謂親屬且不可以領土。其後淮朔不賓。柳宗元祖述其意。作封建論。蓋懼鎮將世及。尾大躡。蹙。陟。將自主。屬時清明。未有外侮。其論議固足以自守也。宋之季而禍發於穹廬。州郡破碎。墓無完楫。里無完室。則李綱始有分鎮之議。雖不竟行。南宋卒賴是以自完。其方部然後知封建有其趨。而郡縣有其非也。定傾之道。一彼而一此。軒轅大角之獸。不見則王者不能以革故。及陽節既盡。必守前世故常之論。以外重內輕爲足。以虧國家之大柯。此文俗吏之所樂。而知時者故未以是爲權槩也。自明以來。行省則有布政使。主用人治賦。不得操兵柄。其後以疆宇。廖。荒。非能正衆之丈人。使之節制將吏。不足以爲治。於是。有以大臣爲督撫者。當明之衰。直隸一隅。有總督三人。十有三行省。其巡撫乃至二十有九。威權雖衆。簒然所馭。乃不過數郡。土宇既隘。不足行其意。終於流寇。票突。外患。躡迹如沒。澣池而莫之天閼。

此無佗劫於馬李柳氏之論。常懼方鎮屈彊不用朝命。故寧削弱其土。使局促不得自展。至於疆宇坼裂而不悔也。滿洲起朔方。因襲明舊。稍省督撫。小者不損一行省。使教令所下漸及泰遠。然猶稟命於六部。不敢自擅。咸豐之季。漢帝已立。重以外寇。孤清之命。陷陷如衆九丸。賴大酋明聖。樞臣善方畧。一昔舉絨縻扇。鎬之智而破碎之。自征自撫。自生自殺。自予自奪。一切屬其權於疆吏。是時知兵之臣。咸令振盪。或出其竟外。而上不以文法制之。卒能戡滅大平。盜其天球。繇此言之。內外之重輕。所以爲利害者。斷可知矣。今方鎮蕭弱。而四裔乘其敝。其極至於虛獨。政府使從而劫疆吏。一不得有所阻撓。割地輸幣。無敢有異議。彼其所以鉗束者。則外輕之效。非乎。與不得已。官制不及改。則莫若以封建方鎮爲一。置燕齊晉宋及東三省爲王畿。注措無所變其餘置五道曰關隴附以新疆曰楚蜀附以西藏曰滇黔桂林曰閩粵曰江浙謂三江道各以督撫才者制之。冠名以地。無以虛辭美稱。行政署吏。惟其所令。歲入貢於泉府者數十萬。毋有錢乏扶寸地失。惟斯人是問。一受其齎。非喪土餒貢終其身無所易。死則代以其屬吏。薦於故帥。而錫命於朝。其布於鄰國。則曰斯吾附庸之國也。交會約言在是。天室弗與知。案聯邦之制雖同等聯邦外交固在中央政府也。不同等聯邦無論然清室之於朝鮮任自遣使既皆破其例矣。若是則外人不

得挾政府以制九域。冀少假歲月以修內政。人人親其大吏。爭爲效命。而天下少安矣。夫清世名位至濫。獨壽號乃重於靈鼉之鼓。蒙古而外。非宗室無有處王位者。雖五等亦非勳臣不得與。此其法昉於漢明之制。然明永曆討不庭也。何騰蛟則以中湘王封。慕其後若金聲桓、李定國。數子皆剖青圭而正王位。其膏不屯。其印不剝。何者。遭值喪亂。則守文之制固運而往矣。且古者上公九命。子男特五命耳。其位乃下於列卿。是故成周之典。足以度越千世。其在中葉。惟唐制取中繩其秩。親王正一品。與三公三司同。嗣王郡王則不過從一品。降及男國。則不過五品。故宰相皆公。而將帥以郡王封者三十餘輩。以李光弼之部王者至十校。今俄英之相。多以王公稱者。遠則唐制。而近則西鄰。以此崇重方鎮。夫何牽於往日之制乎。或以唐世河北失馭。其端自方鎮之有功始。此皆愚儒無知。懲旣成之事。顧不知其謀始之所以難也。使唐無方鎮十道。且不能保。奚翅失河北而已。其卒旅距抗命者。以武夫驛突之將。勇於趨利而未嘗知方。故侵尋至不可制。今以文臣而懼其跳踉爲桀寇。自唐以來。其孰覲之哉。夫法不外操。而兵不中制。今自九服以內。旬始未出。而瓜分固已亟矣。瓜分而授之外人。孰與瓜分而授之方鎮。方鎮雖不肖。尙畧得三四人。其佗或愿慙無雄畧。吾聞晚明之

將帥史可法最劣。其次有瞿式耜。其次有李定國。其次有鄭成功。張煌言後出益倥，則習於戎事故也。始雖愿讓而代之者必雄畧矣。其瘡於中制者亦遠矣。且夫利不過幅，則用足也。思不出位，則慮周也。兵不外募，則士附也。吏不芻掣，則功大也。當裔夷之競而求之，剿末以覲自全，使烝民有立，政府緩帶，舍是則無長計矣。若其檢式羣下，和齊縣內，微革更官制，則猶篆車之無輶，而丁時者或未意是也。頌曰：皇以閒之。

共和二千七百四十一年，章炳麟曰：懷借權之謀，言必湊。是今督撫色厲中乾，諸少年意氣盛壯，而新用事者其意畏。又過大，羣舊臣雖屬以一道，弗能任。傳曰：負且乘，盜之招也。縱滿洲政府能棄若無收者，何？夫提挈方夏，在新聖不沾沾，可以媮取鑑言之，莠而刪是篇。

煊書前錄目

客帝匡謬

分鎮匡謬

煊書前錄目

廬書目

原學第一

訂孔第二

儒墨第三

儒道第四

儒法第五

儒俠第六

附上武論
徵張良事

儒兵第七

學變第八

學蠱第九

王學第十

顏學第十一

清儒第十二

學隱第十三

訂實知第十四

通議第十五

原人第十六

序種姓上第十七

序種姓下第十八

原變第十九

族制第二十

附許由即
咎繇說

民數第二十一

封禪第二十二

河圖第二十三

方言第二十四

訂文第二十五

附正名
禮義

述圖第二十六

公言第二十七

平等難第二十八

明獨第二十九

冥契第三十

通法第三十一

官統上第三十二

官統中第三十三

官統下第三十四

商鞅第三十五

正葛第三十六

刑官第三十七

定律第三十八

不加賦難第三十九

明農第四十

禁煙草第四十一

定版籍第四十二

制幣第四十三

弭兵難第四十四

經武第四十五

議學第四十六

原教上第四十七

原教下第四十八

爭教第四十九

憂教第五十

訂禮俗第五十一

辨樂第五十二

相宅第五十三

地治第五十四

消極第五十五

尊史第五十六

徵七畧第五十七

哀焚書第五十八

哀清史第五十九

附中國通史略例

襍志第六十

別錄甲第六十一

楊顏
錢

別錄乙第六十二

許二
湯李

解辯髮第六十三

叙曰。幼慕獨行。壯丁患難。吾行卻曲。廢不中權。逮鞠迫言。劣自完於皇漢。矣和二千七百四